

君子之道

壹、前言

儒家教人從「君子」學起，以達聖人之境。從明明德，而達止於至善。可從《論語》第一章，子曰：「學而時習之，不亦說乎？有朋自遠方來，不亦樂乎？人不知而不愠，不亦『君子』乎？」和最後一章，子曰：「不知命，無以為『君子』也。」便知其義。再來孔子作《易經》十翼，依大象傳，大部分都說「君子」當效法等，如乾卦云：「天行健，『君子』以自強不息。」坤卦云：「地勢坤，『君子』以厚德載物。」

貳、什麼是 君子

《易》：「君子以成德為行，日可見之行也。」《論語》子曰：「君子博學於文，約之以禮，亦可以弗畔矣夫！」(6.27)子曰：「君子病無能焉，不病人之不己知也。」(15.19)

子謂子產：「有君子之道四焉：其行己也恭，其事上也敬，其養民也惠，其使民也義。」(5.16)公孫僑，字子產，春秋時期鄭國傑出的政治家。執政期間，改革內政，慎修外交，捍衛鄭國利益，極受鄭國百姓愛戴，《史記》：「治鄭二十六年而死，丁壯號哭，老人兒啼，曰：子產去我死矣！民將安歸？」後世對其評價甚高，將他視為中國歷史宰相的典範。

子路問「君子」？子曰：「修己以敬。」曰：「如斯而已乎？」曰：「修己以安人。」曰：「如斯而已乎？」曰：「修己以安百姓。修己以安百姓，堯舜其猶病諸。」(14.42)子曰：「君子道者三，我無能焉：仁者不憂，知者不惑，勇者不懼。」(14.28)樊遲問仁？子曰：「愛人。」問知？子曰：「知人。」老子：「知人者智，自知者明。」《中庸》：「知恥近乎勇。」知恥的本身非勇，但可使人發憤圖強，祛除怯懦。子曰：「見義不為，無勇也。」(2.24)

《中庸》：「君臣也、父子也、夫婦也、昆弟也、朋友之交也，五者天下之達道也。知、仁、勇三者，天下之達德也。…好學近乎『知』，力行近乎『仁』，知恥近乎『勇』。知斯三者，則知所以修身；知所以修身，則知所以治人；知所以治人，則知所以治天下國家矣。」

一、智德

子曰：「君子之於天下也，無適也，無莫也，義之與比。」(4.10)子曰：「君子不器。」(2.12)

子曰：「知者樂水，仁者樂山。知者動，仁者靜。知者樂，仁者壽。」(6.23)《道德經》：「上善若水，水善利萬物而不爭，處為人之所惡，故幾於道。…夫唯不爭，故無尤。」

孔子曰：「君子有九思：視思明，聽思聰，色思溫，貌思恭，言思忠，事思敬，疑思問，忿思難，見得思義。」(16.10)

二、仁德

司馬牛問「君子」？子曰：「君子不憂不懼。」曰：「不憂不懼，斯謂之君子矣乎？」

子曰：「內省不疚，夫何憂何懼？」(12.4) 子曰：「君子謀道不謀食；耕也，餒在其中矣；學也，祿在其中矣。君子憂道不憂貧。」(15.32)

子曰：「富與貴，是人之所欲也；不以其道得之，不處也。貧與賤，是人之惡也；不以其道得之，不去也。君子去仁，惡乎成名。君子無終食之間違仁，造次必於是，顛沛必於是。」(4.5)《中庸》：「道也者，不可須臾離也；可離，非道也。君子戒慎乎其所不睹，恐懼乎其所不聞。莫見乎隱，莫顯乎微，故君子慎其獨也。」

三、勇德(知恥、改過、當做、無畏、承擔)

子曰：「仁者，必有勇；勇者，不必有仁。」(14.4) 子曰：「勇而無禮則亂」(8.2) 子曰：「有勇而無義為亂。」(17.21) 子曰：「好勇不好學，其蔽也亂」(17.7) 子曰：「好勇疾貧，亂也。人而不仁，疾之已甚，亂也。」(8.10) 子曰：「道不行，乘桴浮于海。從我者其由與？」子路聞之喜。子曰：「由也好勇過我，無所取材。」(5.7)

《孟子》：「居天下之廣居，立天下之正位，行天下之大道。得志與民由之，不得志獨行其道。富貴不能淫，貧賤不能移，威武不能屈。此之謂大丈夫。」張載：「為天地立心，為生民立命，為往聖繼絕學，為萬世開太平。」

四、修養

有子曰：「君子務本，本立而道生。孝弟也者，其為仁之本與！」(1.2) 子曰：「弟子入則孝，出則弟，謹而信，汎愛眾，而親仁。行有餘力，則以學文。」(1.6) 曾子曰：「君子以文會友，以友輔仁。」(12.24)

孔子曰：「君子有三戒；少之時，血氣未定，戒之在色；及其壯也，血氣方剛，戒之在鬥；及其老也，血氣既衰，戒之在得。」(16.7) 子曰：「君子不重，則不威；學則不固。主忠信。無友不如己者。過，則勿憚改。」(1.8) 子曰：「君子義以為質，禮以行之，孫以出之，信以成之；君子哉！」(15.18)

曾子有疾，孟敬子問之。曾子言曰：「鳥之將死，其鳴也哀；人之將死，其言也善。君子所貴乎道者三：動容貌，斯遠暴慢矣；正顏色，斯近信笑；出辭氣，斯遠鄙倍矣。籩豆之事，則有司存。」(8.4)

子貢問君子。子曰：「先行其言，而後從之。」(2.13) 子曰：「君子欲訥於言，而敏於行。」(4.24) 子曰：「君子恥其言而過其行。」(14.28) 子曰：「君子不以言舉人；不以人廢言。」(15.23) 子曰：「不知命，無以為君子也。不知禮，無以立也。不知言，無以知人也。」(20.3)

子曰：「君子矜而不爭，群而不黨。」(15.22) 子曰：「不患人之不己知，患不知人也。」(1.16) 子夏曰：「君子有三變：望之儼然；即之也溫；聽其言也厲。」(19.9) 子貢曰：「夫子溫、良、恭、儉、讓以得之。」(1.10)